



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 28. Lancianensis Episcopi dubia contra hoc decretum.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sec. XVI.
A.C. 1562.

cretum proponi, illudque his verbis
conceptum prælegi iussit:

§. XXVII.

Decretum pro Sessionis prorogatione.

Labb. p. 245.
Pallav. l. 6.
num. 6.

*Sacrosancta Oecumenica, & Generalis
Tridentina Synodus, in Spiritu Sancto
legitime congregata, præsidentibus in ea
eisdem Apostolicæ Sedis legatis, propter
varias difficultates ex diversis causis exor-
tas, atque etiam ut congruentius, majori-
que cum deliberatione omnia procedant, nempe
ut dogmata cum iis, quæ ad reformatio-
nem spectant, simul tractentur, & sancian-
tur, ea, quæ statuenda videbuntur, tam de
reformatione, quam de dogmatibus in pro-
xima Sessione, quam omnibus indicit in diem
sextam decimam subsequenti Mensis Julii,
definienda esse decrevit, hoc tamen adjecto,
quod dictum terminum ipsa Sancta Synodus
pro ejus arbitrio, & voluntate, sicuti re-
bus Concilii putaverit expedire, etiam in
generali congregatione restringere, & pro-
rogare libere possit, & valeat.*

§. XXVIII.

*Lancianensis Episcopi dubia contra
hoc decretum.*

Pallav. l. 6.

*Hæc postrema Decreti verba Leonar-
dum Marinum Lancianensem Epi-
scopum nonnihil offendebant, hæc ob-
jiciens: „nequaquam permittitur, ut
mute.*

mutetur, aut contrahatur tempus in ^{Sæcul. XVI.}
 „solemni Sessione decretum, præcipue, ^{A. C. 1562.}
 „cum possit in detrimentum aliorum id
 „cedere, sed duntaxat conceditur, ut
 „ejusmodi tempus protrahatur, cum id
 „nulli noxium sit, potest tamen id sua-
 „pte natura æque fieri in Sessione, ac
 „in quodam Patrum conventu: qua-
 „propter censeo, vocem hanc *restrin-*
 „*gere* e decreto esse eliminandam: cum
 autem aliis opposita inesset sententia,
 atque hanc cautelam ad prævertendas
 omnes difficultates forte exurgentes
 peropportunam esse contenderent, hinc
 decretum ab omnibus fuit approbatum.
 Præterea nonnisi triginta sex numera-
 bantur Episcopi partim Hispani, par-
 tim Itali, quorum nonnulli scripto, alii
 autem oretenus sua suffragia dabant,
 atque ea, quæ in nupera Congrega-
 tione fuere exposita, confirmabant, nec
 non vel sub conditione hac, *si postea*
ageretur de residentia, consentiebant, aut
 hunc articulum decreto insertum diser-
 tis verbis promitti postulabant, vel de-
 nique continuationem declarari pete-
 bant: postremo tandem Seripandus
 verba faciens inquebat: „gratias ago
 „Deo, quod decretum in præsentis rerum
 „vicissitudine adeo utile fuerit approba-
 „tum: porro cum jam triginta tres Præ-
 „sules suam mutarint sententiam, cete-

Sæc. XVI.
A.C. 1562.

„ros quoque brevi eadem facturos spe-
„ro,„ Denique furgentibus Legatis
quivis sese ad sua recepit.

§. XXIX.

*Articuli in generali Congregatione
proponendi, atque exa-
minandi.*

Pallav. l. 17.
s. I. n. I.
Raynald.
hoc ann.
num. 49.

Biduo post Sessionem, die sexta Junii
Patres in generali cœtu congregati
sequentes proponebant articulos, qui
mox ab inferioris Ordinis Theologis
examinandi jam antea in Concilio sub
Julio III. proponebantur, erantque nu-
mero quinque circa Sacramenti Eucha-
ristiæ usum, ac quidem quæsitum. I.
„An ex Divino præscripto quilibet Chri-
„stianus teneretur utramque speciem
„sumere in Eucharistiæ Sacramento.

II. „An rationes, quibus Ecclesia
„Catholica adducta est ad Eucharis-
„stiam præbendam laicis, & etiam Sa-
„cerdotibus non celebrantibus sub sola
„panis specie, adeo retinendæ essent,
„ut nullo pacto usus calicis ulli esset
„permittendus.

III. „Utrum tunc, si ex honestis
„caussis, & charitati Christianæ con-
„sonantibus, æquum videretur conce-
„dere usum calicis alicui nationi, seu Re-
„gno, habendum id esset sub quibusdam
„conditionibus, & sub quibus id fieret.

IV. An